

Broj: 06-03-393-08/23/16
Mostar, 20.07.2016. godine

Na osnovu člana 11., člana 17., člana 19. i člana 21. Zakona o naftnim derivatima u Federaciji Bosne i Hercegovine („Službene novine Federacije BiH“, broj 52/14), člana 20. stav (1) i člana 23. stav (1) Statuta Regulatorne komisije za energiju u Federaciji Bosne i Hercegovine („Službene novine Federacije BiH“ broj 24/14 i 91/15), člana 8. stav (1), člana 32. stav (4) i člana 42. stav (1) Poslovnika o radu Regulatorne komisije za energiju u Federaciji Bosne i Hercegovine („Službene novine Federacije BiH“ broj 29/14 i 31/16), člana 78. Pravilnika o javnim raspravama i rješavanju zahtjeva, sporova i žalbi („Službene novine Federacije BiH“ broj 57/12, 71/14 i 31/16), člana 10. stav (2) i člana 17. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede („Službene novine Federacije BiH“ broj 15/16), postupajući po Zahtjevu za izdavanje dozvole za rad (licence) za transport naftnih derivata drumskim saobraćajem broj 06-03-393/23/16 od 29.03.2016. godine, podnosioca zahtjeva „ECOTOK“ d.o.o. Travnik, Donje Putićevo br. 106/a, Travnik, Regulatorna komisija za energiju u Federaciji Bosne i Hercegovine – FERK je 20.07.2016. godine na XV redovnoj sjednici donijela sljedeće

RJEŠENJE

1. Izdaje se Dozvola za rad (licenca) za transport naftnih derivata drumskim saobraćajem podnosiocu zahtjeva „ECOTOK“ d.o.o. Travnik.
2. Dozvola za rad (licenca) izdaje se na period od 20.07.2016. godine do 19.07.2021. godine, sa uslovima dozvole koji čine njen sastavni dio.
3. Sastavni dio ovog rješenja čini dozvola za rad (licenca) iz tački 1. i 2. ovog rješenja.
4. Imalac dozvole je obavezan plaćati regulatornu naknadu u iznosu od 1.000,00 KM godišnje u periodu važenja dozvole za rad (licence).
5. Imalac dozvole je obavezan regulatornu naknadu iz tačke 4. ovog rješenja platiti za prvu godinu važenja dozvole u roku od 30 dana od dana prijema rješenja, a za svaku narednu godinu do 31.01. tekuće godine.
6. Ovo rješenje je konačno, te se objavljuje na oglasnoj tabli i internet stranici FERK-a, a dispozitiv ovog rješenja u „Službenim novinama Federacije BiH“.

Obrazloženje

Dana 29.03.2016. godine FERK je pod brojem 06-03-393/23/16 primio preko Federalnog ministarstva energije, rudarstva i industrije Zahtjev za izdavanje dozvole za rad (licence) za transport naftnih derivata drumskim saobraćajem podnosioca zahtjeva „ECOTOK“ d.o.o. Travnik.

Postupajući po odredbi člana 9. Pravilnika o javnim raspravama i rješavanju zahtjeva, sporova i žalbi, zaprimljeni zahtjev je pregledan sukladno članu 12., članu 19. i članu 22. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede. Nakon pregleda primljenog zahtjeva, a postupajući u skladu sa članom 10. Pravilnika o javnim raspravama i rješavanju zahtjeva, sporova i žalbi i članom 12. Pravilnika o izdavanju dozvola za rad (licenca) za obavljanje energetske djelatnosti iz sektora naftne privrede, FERK je podnosiocu zahtjeva dana 08.04.2016. godine uputio Obavještenje pod brojem 06-03-393-01/23/16 i odredio mu rok od 15 dana radi dostave Zahtjeva za izdavanje dozvole za rad (licence) za transport naftnih derivata drumskim saobraćajem i dokumentacije u smislu tog obavještenja. Postupajući po obavještenju, podnosiocu zahtjeva je dostavio dopise primljene u FERK dana 09.05.2016. godine pod brojem 06-03-393-02/23/16 i dana 01.06.2016. godine pod brojem 06-03-393-03/23/16, uz koje je dostavio dio tražene dokumentacije i obrazloženja. U cilju upotpunjavanja zahtjeva FERK je podnosiocu zahtjeva dana 10.06.2016. godine uputio Obavještenje o nedostacima podnesenog zahtjeva za izdavanje dozvole za rad (licence) za transport naftnih derivata drumskim saobraćajem

pod brojem 06-03-393-04/23/16. Postupajući po navedenom obavještenju, podnosilac zahtjeva je dostavio dopise primljene u FERK dana 23.06.2016. godine pod brojem 06-03-393-05/23/16 i dana 04.07.2016. godine pod brojem 06-03-393-06/23/16, uz koje je dostavio traženu dokumentaciju i obrazloženja, a na osnovu čega je FERK utvrdio da je podneseni zahtjev potpun i da su se stekli uslovi za objavu obavještenja za javnost o nacrtu dozvole.

Na osnovu provedenog postupka tokom kojeg je izvršena pažljiva analiza svih činjenica i podnesenih dokaza na osnovu kojih se moglo utvrditi stanje stvari, FERK je u skladu sa članom 16. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, pripremio Nacrt dozvole za rad (licence) za transport naftnih derivata drumskim saobraćajem po zahtjevu broj 06-03-393/23/16 od 29.3.2016. godine podnosioca „ECOTOK“ d.o.o. Travnik. Na osnovu člana 1. stav (3) i člana 16. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede, FERK je Odlukom broj 06-03-393-07/23/16 od 11.07.2016. godine usvojio Nacrt dozvole za rad (licence) za transport naftnih derivata drumskim saobraćajem, te Obavještenje za javnost o opštoj raspravi o Nacrtu dozvole za rad (licence) za transport naftnih derivata drumskim saobraćajem, kojom je ovaj nacrt upućen u proces javne rasprave. Ovom odlukom je imenovan voditelj postupka i zamjenik voditelja postupka, te je utvrđeno i da su zainteresovana lica imala mogućnost da dostave svoje pisane komentare na Nacrt dozvole za rad (licence) za transport naftnih derivata drumskim saobraćajem na adresu FERK-a ili na elektronsku adresu, u periodu od 12.07.2016. godine do 20.07.2016. godine do 10:00 sati, kao i da su lica koja imaju direktan interes da učestvuju u postupku izdavanja dozvole, pod uslovom da im je interes različit od opšteg javnog interesa, imala mogućnost da podnesu zahtjev za sticanje statusa umješšača na adresu FERK-a ili na elektronsku adresu, u periodu od 12.07.2016. godine do 20.07.2016. godine do 10:00 sati.

Do ostavljenog roka za dostavu pisanih komentara i za podnošenje zahtjeva za sticanje statusa umješšača, odnosno do 20.07.2016. godine do 10:00 sati, u FERK nisu primljeni pisani komentari na Nacrt dozvole za rad (licence) za transport naftnih derivata drumskim saobraćajem, niti je primljen zahtjev za sticanje statusa umješšača.

Na osnovu obrade Zahtjeva za izdavanje dozvole za rad (licence) za transport naftnih derivata drumskim saobraćajem podnosioca „ECOTOK“ d.o.o. Travnik i dokumentacije priložene uz zahtjev, utvrđeno je da podnosilac zahtjeva ispunjava kriterijume za izdavanje dozvole za rad (licence) za transport naftnih derivata drumskim saobraćajem u skladu sa članom 21. Zakona o naftnim derivatima u Federaciji Bosne i Hercegovine, te članom 25. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede.

Na osnovu navedenog, u dozvoli za rad (licenci) koja je predmet ovog rješenja podnosiocu zahtjeva postavljeni su, u skladu sa članom 26. i članom 29. Pravilnika o izdavanju dozvola za rad (licenci) za obavljanje energetske djelatnosti iz sektora naftne privrede određeni uslovi. Spomenuti uslovi uvažavaju potrebu, ali i obavezu „ECOTOK“ d.o.o. Travnik, da u rokovima propisanim u uslovima dozvole za rad (licence) za obavljanje djelatnosti transporta naftnih derivata drumskim saobraćajem iste ispuni, u cilju zadovoljenja propisanih kriterijuma.

Na osnovu navedenog, odlučeno je kao u dispozitiv ovog rješenja.

POUKA O PRAVNOM LIJEKU:

Protiv ovog rješenja podnosilac zahtjeva može tužbom pokrenuti upravni spor kod Kantonalnog/Županijskog suda u Mostaru u roku od 30 dana od dana prijema rješenja. Tužba se predaje sudu direktno ili mu se šalje poštom preporučeno. Tužba se može izjaviti i na zapisnik kod navedenog suda ili bilo kojeg drugog suda.

v.d. PREDsjednice FERK-a
Sanela Pokrajčić